

- 1★ وزیر اعظم نریندر مودی نے کہیو ہے جے 21 ویں صدی ٹیکنالوجی سنگ چلن آلی صدی ہے اور انسانی ترقی غی خاطر جمہوری اقدار سنگ متوازن ٹیکنالوجی غی ضرورت ہے۔
- 2★ پورا جموں خطہ مانہہ اج لوگ آخری ڈوگرہ حکمران مہاراجہ بری سنگھ غو یوم پیدائش منا رہیا ہیں۔
- 3★ سرکار نے کالسریاں غی ترقی واسطے خاص طور گرائیں اور مالی طور کمزور کواتین غی خاطر بہت سارا اقدام چاہے اُن غی ترقی غی مضبوط نی رکھی ہے۔
- 4★ تے حزب اختلاف گا لیڈر راہل گاندھی نے کہیو ہے جے جموں کشمیر غا ریاستی درجہ غی بحالی واسطے کانگریس مرکزی حکومت در دباؤ بنائے گی۔

خبراں غی تفصیل نال پہلاں عبدالرحمن۔

PM US CEO

وزیر اعظم نریندر مودی نے اج سویرے نیو یا رک مانہہ امریکہ غی سرکردہ ٹیک کمپنیاں غا چیف ایگزیکٹو افسران سنگ گول میز میٹنگ کی۔ وزیر اعظم نے کہیو ہے جے 21 ویں صدی مانہہ ٹیکنالوجی غو اہم رول ہے اور بر شعبہ مانہہ تکنیک پیش پیش ہے۔ جناب مودی نے زور دے غے کہیو ہے جے ٹیکنالوجی اور جمہوریت غے درمیان توازن وقت غو تقاضو ہے۔ اُنہاں نے یوہ وی کہیو ہے جے جمہوری اقدار اور ٹیکنالوجی غو امتزاج انسانیت غی بہبود غی گارتی ہے۔ وزیر اعظم نے کہیو ہے جے جمہوریت غے بغیر تکنیک سنگ بحران غی فضا پیدا وے۔ جناب مودی نے کہیو ہے جے بھارت اک ایسو ملک ہے جت بڑی تعداد مانہہ باصلاحیت افراد جمہوریت اور ماریٹ وی ہے۔ جہیڑی اک منفرد گل ہے۔ وزیر اعظم نے بکھ بکھ شعباں مانہہ باہمی اشتراک نانہہ فروغ دین واسطے اقدامات ور تبادلہ خیال کیو۔ جناب مودی نے کہیو ہے جے سی ای اوز نے بھارت غے تئیں جس اعتماد د غو اظہار کیو ہے۔ اُس سنگ اُنہاں نانہہ اچھو لگو ہے۔ جناب مودی نے اُنہاں نانہہ کہیو ہے جے وے اپنی رائے تے خیالات تیں واقف کراویں۔ کیونجے اسے سنگ نویں پالیسی تیار کرن مانہہ مدد ملے۔ وزیر اعظم نے اس گل ور اعتماد ظاہر کیو ہے جے بھارت اور امریکہ تیں تکنیکی کمپنیاں عالمی لکاراں نانہہ حل کرن بارے اہم رول ادا کریں گی۔ اُنہاں نے کہیو ہے جے جد دُنیا غی سب تیں بڑی جمہوریت تیزی سنگ بدھے تاں عالمی امن تے خوشحالی وی یقینی طور وے۔ اک ترقی یافتہ بھارت غا سفر در ٹیکنالوجی نانہہ اک اہم ستون غے طور اُجاگر کرتاں واں وزیر اعظم نے کہیو ہے جے اس وقت اُن غی حکومت نے بھارت مانہہ ٹیکنالوجی تال میل تے سرمایہ کاری بارے بڑی ممکنات پیدا کی ہیں۔ اُنہاں نے کہیو ہے جے بھارت مانہہ ہر سیکٹر غے اندر سرمایہ کاری بارے اک پائیدار یقینیت ہے۔ جناب مودی نے کہیو ہے جے بھارتیہ حکومت نے سیمی کنڈیکٹر صنعت مانہہ 15 بیلین ڈالر غی سرمایہ کاری کی ہے تے اس سیکٹر مانہہ پوری دُنیا تیں بھارت مانہہ سرمایہ کاری بو رہی ہے۔

Maharaja Birth Anniversary

جموں کشمیر غا جموں صوبہ مانہہ اج مہاراجہ بری سنگھ غو جنم دن بڑا جوش و خروش سنگ منایو جا ریو ہے۔ اس موقع ور یوا راجپوت سبھا غی طرفوں برنتی تیں توی پُل تک اک بڑی ریلی گو وی احتتام کیو گیو۔ جس مانہہ مقامی لوکاں غی اک بڑی تعداد نے شرکت کی تے آنجہانی مہاراجہ غی میراث و قدر با رے ثقافتی پروگرام وی منعقد ہوؤ۔ کٹھوعہ ضلع مانہہ اس سلسلہ مانہہ آل راجپوت سبھا کٹھوعہ غی طرفوں رام لیلا میدان تیں اک ریلی کڈی گئی جھیڑی شہر غا بکھ بکھ حصاں تیں گزری تے لوک مہاراجہ بری سنگھ امر رے غا نعرہ لا رہیا تھا۔ اُدھم پور ضلع مانہہ آخری ڈوگرہ حکمران غو جنم دن بڑا جوش سنگ منایو جا ریو ہے۔ تے اُت اک جلوس وی کڈیو گیو جھیڑو قصبہ غا بکھ بکھ بازاراں تیں گزریو۔ اس موقع ور لوکاں نے یاد کیو جے آنجہانی مہاراجہ تمام ذات برادریاں نانہہ یکساں دیکھیں تھا۔ اُنہاں نے برطانوی کونسل مانہہ جمہو ریت غا حق مانہہ آواز چائی تے اُنہاں نے سماج غی بہتری با رے نمایاں کم کرتاں واں جموں صوبہ اور ڈوگراں با رے اپنی زندگی وقف کی۔ رام بن ضلع مانہہ شری امر شتیرہ راجپوت سبھا رام بن غی طرفوں بیولی بازار مانہہ اک پروگرام منعقد کیو گیو۔ جس دوران آنجہانی مہاراجہ بری سنگھ نانہہ خراج عقیدت پیش کیو گیو۔ تے اُنہاں نانہہ یا د کرتاں واں کہیو گیو جے اُنہاں نے جموں کشمیر نانہہ بھارت سنگ جوڑن غو فیصلو کیو تھو۔ سانہہ ضلع مانہہ امر شتیرہ راجپوت سبھا غی طرفوں منعقدہ اک پروگرام مانہہ آنجہانی مہاراجہ بری سنگھ غی یاد مانہہ نعرہ لایا گیا تے فِر بازار مانہہ اک جلوس وی کڈیو گیو جھیڑو ویر بھومی پارک سانہہ مانہہ اختتام پزیر ہوؤ۔

Govt Onion

سرکا رپنیری غی قیمتاں نانہہ کہٹ کرن غی خاطر تھوک منڈی مانہہ پیاز اُتار رہی ہے۔ نوی دہلی مانہہ اک پریس کا نفرنس سنگ خیالات غو اظہا رکرتاں واں محکمہ امور صارفین غی سیکریٹری ندھی کھرے نے کہیو جے ذخیرہ مانہہ پیاز غی مناسب مقدار موجود ہے اور خریف سیزن مانہہ پیاز غی بوائی چنگی رہی ہے۔ اُنہاں نے کہیو جے سرکار نے پیاز غی قیمتاں ور قریبی نظر رکھی وی ہے۔ محترمہ کھرے نے اعتما د ظاہر کیو جے تاواں ہی پیاز غی قیمتاں مانہہ کمی آئے گی۔ اُنہاں نے کہیو جے سرکا رٹیل مارکیٹ مانہہ 35 روپیہ فی کلو غا حساب نال کہٹ قیمتاں مانہہ بیچ رہی ہے۔ اُنہاں نے کہیو جے کہٹ قیمتاں ور پیاز غی پکری اس ہفتہ تیں ریا ستاں غی راجداہانیا اور بڑا شہراں مانہہ شروع ہو جائے گی۔

Environment Minister

جنگلات و ماحولیات غا مرکزی وزیر بھو پیندریا دؤ نے اج 1 سو 28 انفنٹری بٹالین ٹے ٹیری ٹوریل آرمی غی ماحولیاتی ٹاسک فورس نانہہ مبارکباد دتی ہے۔ جنہاں نے اک گھنٹا مانہہ 5 لکھ پودہ لان غو عالمی ریکارڈ درج کروایو ہے۔ اک سماجی ذرائع ابلاغ پوسٹ ور جناب یادو نے کہیو جے اک خصوصی شجرکاری مہم غے تحت جیسلمیر مانہہ کل فوجی دستاں غی طرفوں 5 لکھ 20 ہزار بوٹا لایا گیا ہیں۔ اُنہاں نے کہیو جے

یوہ قدم وزیر اعظم غی مہم ”ایک پیڑ ماں کے نام“ تے ٹیری ٹوریل آرمی غا رسائی پروگرام ”بھا گیداری و ذمہ داری“ غے تحت چایو گیو۔ جس غو مقصد ماحولیاتی توازن با رے بیداری نانہ پھیلا نو ہے۔ جناب یا دؤ نے بھارتیہ فوج، فضائیہ، بی ایس ایف، پولیس تے بکھ بکھ تعلیمی اداراں غا طالب علماں سمیت کثیر شراکت داراں نانہ وی مبادرت کردی۔

EV Stations

بھارتی صنعتاں تے اسٹیل گا مرکزی وزیر ایچ ڈی کمارا سوامی نے کہیو ہے جے مرکز ملک پھر مانہ 70 ہزار تیں متا چا رجنگ اسٹیشن قائم کرن واسطے 2 ہزار کروڑ غی سرمایہ کار ی کرن غا منصوبہ ور غور کر رہی ہے۔ گوہاٹی آسام مانہ میڈیا سنگ گل کرتاں واں مرکزی وزیر نے کہیو جے سرکار سیمنٹ کا رپو ریشن آف انڈیا لمیٹڈ غا بوکا جن پلانٹ جھیڑو کہ آسام غا کربی انگلانگ ضلع مانہ ہے غی بحالی واسطے 700 کروڑ روپیاں غی سرمایہ کار ی کرے گی۔ مرکزی وزیر کمارا سوامی اج بوکا جن مانہ بوکا جن سیمنٹ فیکٹری غا خام ملاں مانہ گرم گیس غا استعمال غی شروعات کر رہیا تھا۔ اس موقعہ ور وزیر موصوف نے بوکا جن سیمنٹ فیکٹری کالونی غے کول 1 ایم ڈبلیو گرڈ شمسی پلانٹ غو نی پتھر وی رکھیو۔

Parliament Conference

نوی دہلی مانہ اج دسویں دولت مشترکہ پارلیمانی ایسو سی ایشن یعنی سی پی اے غی 2 روزہ بھارت خطائی کا نفرنس شروع ہو ئی ہے۔ لوک سبھا گا سپیکر اوم برلا اس میٹنگ غی صدارت کر رہیا ہیں جھیڑا کہ سی پی اے بھارتیہ خطہ گا چیئرپرسن وی ہیں۔ اس کا نفرنس مانہ 46 پریزائڈنٹنگ افسر 4 چیئرمین، 25 سپیکر، 3 ڈپٹی چیئرمین تے ریاستاں و مرکزی زیر انتظام علاقاں گا قانون سازیہ غا 14 ڈپٹی سپیکر اُن غا پرنسپل سیکریٹریز، سیکریٹریز تے دوجا افسر شرکت کر رہیا ہیں۔ اس کا نفرنس غو عنوان ہے ”پائیدار و مربوط ترقی مانہ قانون ساز اداراں غو رول“ اس موقع ور بولتاں واں لوک سبھا غا سپیکر اوم برلا نے اس گل غی ضرورت ور زور دتو جے بدلتی صورتحال مانہ جد ٹیکنالوجی تے مواصلاتی طرز لوکاں غی زندگیاں غو حصو ہے۔ ایسا بدلتا ماحول مانہ لوکاں غی توقعاں ور پوراں اُترن با رے ملک غا قانون ساز اداراں نانہ مزید مضبوط بنایو جائے۔ سی پی اے بھارتیہ ریجن نانہ سی پی اے ایشیا ریجن تیں سال 2024 مانہ بنایو گیو تھو۔ تے اس ویلے بھارت غی پارلیمنٹ و 30 ریاستی بولی قانون سازیہ سمیت اس غی 31 ممبر شاخ ہیں۔ یوہ دوجو موقعو ہے جد سی پی اے بھارتیہ ریجن غی کا نفرنس نوی دہلی مانہ منعقد ہو رہی ہے۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال طارق ابرار۔

WLD 100 Days

مودی حکومت 3.0 نے تاریخی تیجی مدت واسطے اقتدار مانہ آن تیں بعد 100 دن مکمل کر لیا ہیں۔ اس عرصہ غے دوران سرکار نے ڈھانچہ، سماجی ترقی، کساناں اور درمیانہ طبقہ، خواتین تے نوجواناں واسطے 15 لکھ کروڑ روپیاں غا منصوبہ شروع کیا ہیں۔ سرکار نے کالسریاں غی باختیار واسطے مضبوطی رکھی ہیں اور ان غی ترقی واسطے اہم قدم چایا ہیں۔ خاص طور ور گرائیں خواتین تے مالی طور کمزور پس منظر رکھن آلیں کالسریاں نانہ وزیر اعظم نربندر مودی غا ترقی یافتہ بھارت 2047 گا مشن مانہ ان غی شرکت آلے پاسے راغب کیو ہے۔ لگ بھگ 10 کروڑ خواتین نانہ قومی دیہی روزی روٹی مشن دین دیال انتو دیہ یوجنا غے تحت 90 لکھ تیں متا اپنی مدد آپ گروپاں غا دائرہ مانہ آئیو ہے اور 11 لکھ دیدیاں نانہ حصو لیابیاں واسطے وزیر اعظم غی طرفوں حوصلہ افزائی اسناد تقسیم کیا گیا ہیں۔ اس سال غا بجٹ مانہ ناری شکتی اسکیمیں واسطے 3 لکھ کروڑ روپیاں مختص رکھیا گیا ہیں اور کالسریاں غا وقار نانہ محفوظ بنان واسطے پردھان منتری آواس یوجنا غے تحت 3 لکھ اضافی گھر بنایا جائیں گا۔ سرکار نے 48 لکھ کالسریاں واسطے 14 عشارہ 3 لکھ سیلف ہیلپ گروپاں واسطے 2500 کروڑ روپیاں واگذر کیا ہیں۔

Rahul Surankote

لوک سبھا مانہ حزب اختلاف غا لیڈر راہل گاندھی نے کہیو ہے جے جموں کشمیر مانہ اسمبلی چناؤ ختم ہون تیں بعد جموں کشمیر غاریا سستی درجہ غی بحالی مانہ ناکام رہن غی صورت مانہ کانگریس مرکز ور دباؤ بناوے گی۔ انہاں نے یوہ وی دعوؤ کیو جے لوک سبھا چناؤ تیں بعد انڈیا بلاک نے وزیر اعظم غی نفسیات نانہ توڑ دتو ہے۔ انہاں نے یوہ وی کہیو جے یوہ ملک غی تاریخ مانہ پہلی بار بوؤ جے کسے ریاست نانہ مرکزی زیر انتظام علاقہ مانہ تبدیل کیو گیو۔ اور اس غا جمہوری حقوق کھسیا گیا ہیں۔ راہل گاندھی نے کہیو جے ہم نے جموں کشمیر غا ریاستی درجہ غی بحالی غا مطالبہ نانہ ترجیح دتی ہے۔ اک چناوی ریلی سنگ خطاب کرتاں راہل گاندھی نے اس طرح کہیو۔۔۔ بائٹ

SVEEP Jammu

سویپ غے تحت رائے دہندگان غی بیداری واسطے جموں یونیورسٹی مانہ اک پروگرام منعقد کیو گیو۔ جس مانہ ضلع چناؤ افسر جموں سچن کمار ویشے نے ہوا مانہ غباہ چھوڑ غے ضلع جموں مانہ پہلی اکتوبر نانہ ووٹ کھلن بارے تلقین کی۔ پروگرام مانہ رنگا رنگ ثقافتی پروگرام وی پیش کیو گیو جس مانہ مقامی فنکاراں نے چناؤ بارے بندی تے ڈوگری گیت پیش کیا۔ اس موقعہ ور رگل کرتاں واں ضلع چناؤ افسر سچن کمار ویشے نے اس طرح کہیو۔۔۔ بائٹ۔۔۔

SVEEP Rajouri

منظم رائے دہندگان تعلیمی چناوی شراکت پروگرام یعنی سویپ غے تحت ضلع راجوری غی سویپ ٹیم نے با ئیر سکینڈری اسکول دلہو ری مانہہ اک بیداری پروگرام منعقد کیو۔ جس مانہہ لگ بھگ 200 طلباء، عملہ اور مقامی لوکاں نے حصو لیو۔ پروگرام غی شروعات بیداری لیکچر سنگ ہوئی۔ جس تیں بعد حلف برداری تقریب، دستخطی مہم اور کھیل سرگرمیاں مانہہ طالب علماں تے عملہ نے شرکت کی۔ اس موقعہ ور گل کرتاں واں سویپ غا سربراہ رجت کمار اور طالب علماں نے اس طرح کہیو۔۔۔ بائٹ۔۔۔

SVEEP Udhampur

اسمبلی چناؤ 2024 غا سلسلہ مانہہ رائے دہندگان نانہہ بیدار کرن اور چناؤ مانہہ زیا دہ توں زیا دہ شمولیت یقینی بنان غی ترغیب واسطے روایت ہال اُدھم پو ر مانہہ سویپ غے تحت اک بڑو بیداری پروگرام منعقد کیو گیو۔ جس مانہہ روایتی ڈوگری ثقافتی ڈانس اور مو سیقی پروگرام پیش کیا گیا۔ یوہ پروگرام بکھ بکھ سرکا ری محکماں گا تعاون تے اشتراک سنگ منعقد کیو گیو، جس مانہہ ووٹ غی اہمیت نانہہ اُجاگر کیو گیو اور شرکا ء نانہہ اپنا ووٹ غو استعمال لا زمی کرن غی تلقین کی گئی۔ اس موقعہ ور ضلع افسراں نے نوجوان ووٹراں تے لوکاں نانہہ جمہو ری عمل مانہہ ووٹ غی اہمیت با رے جانکا ری دتی۔ اس موقعہ و ر گل کرتاں واں سبھاش چندر ڈوگرہ اسسٹنٹ کمشنر رونیو اُدھم پو ر نے اس طرح کہیو۔۔۔ بائٹ۔۔۔
